



SAKSFRAMLEGG

Sakshandsamar: Jan Erik Boge	Arkivkode: FA-C84
Arkivsaksnr: 18/1508	Løpenr: 20/7971
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	16.09.2020	048/2020

Vigselsmynde for rådmann Ingebjørg Vamråk

16.09.2020 Kommunestyret:

Handsaming i møtet:

Rådmannen sitt framlegg vart samrøystes vedteke.

KS- 048/2020 Vedtak:

Rådmann Ingebjørg Vamråk får vigselsmynde i Samnanger kommune med verknad frå 16.09.2020. Heimel for vedtaket er ekteskapslova § 12 bokstav b.

Rådmannen sitt framlegg til vedtak:

Rådmann Ingebjørg Vamråk får vigselsmynde i Samnanger kommune med verknad frå 16.09.2020. Heimel for vedtaket er ekteskapslova § 12 bokstav b.

Dokument som ikkje er vedlagt:

- Ekteskapslova
(<https://lovdata.no/dokument/NL/lov/1991-07-04-47>)
- Rundskriv Q-11/2017 frå Barne- og likestillingsdepartementet
(<https://www.regjeringen.no/no/dokumenter/rundskriv-q-11-2017-om-kommunale-vigsler/id2572038/>)

Kva saka gjeld:

Stortinget vedtok for nokre år sidan å overføra vigselsmynde frå domstolane til kommunane med verknad frå 01.01.2018. Reglar om kven i kommunen som har vigselsmynde står i ekteskapslova § 12 bokstav b:

- «ordførere, varaordførere og kommunalt ansatte eller folkevalgte som kommunestyret selv gir slik myndighet.»

I forarbeida til endringa i ekteskapslova 01.01.2018 vart det uttalt at det kan vera føremålstenleg at kommunen også har vigslarar som er politisk nøytrale.

Kommunestyret vedtok 16.11.2017 (sak 042/2017) å gje dåverande rådmann Charlotte Hageberg vigselfmynd. Vigselfmyndet hennar kom då i tillegg til ordførar og varaordførar sitt vigselfmynd (ordførar og varaordførar har lovbestemt tilsettingsmynd, jf. reglane i ekteskapslova § 12 bokstav b.)

Charlotte Hageberg slutta i kommunen 31.08.2020. Vigselfmyndet hennar opphøyrde automatisk då ho slutta i kommunen. Pr. i dag er det derfor berre ordførar og varaordførar som har kommunalt vigselfmynd i Samnanger.

Administrasjonen foreslår no at noverande rådmann, Ingebjørg Vamråk, får vigselfmynd med verknad frå 16.09.2020.

Vurderingar og konsekvensar:

I rundskriv Q-11/2017 frå Barne- og likestillingsdepartementet står det mellom anna følgjande om kven som kan få vigselfmynd i tillegg til ordførar og varaordførar:

- «Kommunen må selv vurdere hvem som er egnet for oppgaven. Det er ikke krav om særlig kompetanse eller erfaring....»

Administrasjonen ser det som naturleg at kommunen, i tillegg til ordføraren og varaordføraren, også har ein vigslar som er politisk nøytral. Pr. i dag vil det då vera naturleg at rådmann Ingebjørg Vamråk får vigselfmynd.

Det kan tenkjast to løysingar for å gje vigselfmynd til rådmannen:

1. Kommunestyret gir vigselfmynd på namn til den som er rådmann. Med dette alternativet må det gjerast nytt vedtak i kommunestyret ved skifte av rådmann.
2. Kommunestyret gjer vedtak om at den som til ei kvar tid er rådmann skal ha vigselfmynd.

Administrasjonen foreslår at alternativ 1 ovanfor vert brukt. Bakgrunnen for dette er at administrasjonen forstår det slik at lovgjevar sin intensjon er at kommunalt vigselfmynd til andre enn ordførar og varaordførar bør gjevast til konkrete personar som vert vurderte som eigna for oppgåva.